



CHAMBRE DES COMMUNES  
HOUSE OF COMMONS  
CANADA

# NUNALIURNIQMIK IGLUMINI, MUNARITTIAQTUMIK AVATAANILU: UPALUNGAIYAQ TUQ ATUQTAUNAHUAT AMIHUT UKIUT UKIUQTAQTUMI

Taiguagakhaq Tikkuaqtauyut Katimayiininnut  
uumunnga Nunaryuaptikni Qanuriliurutingit  
Unalu Nunaryuami Pivallianiq

Michael Levitt, Ikhivautalik



AVRIL 2019

42<sup>nguyuq</sup> MALIGALIURVIKYUANGA, HIVULLIQPAAQ KATIMANIQ

---

Makpiraaliurhimayuq piyunnautinganit Uqaqtuyumit Aatuval Maligaliryuarvingani

### **UQAQTIUYUP ANGIRUTINGA**

Katimaninngit Aatuval Maligaliryuarvinga Katimayiingillu pipkaidjutinnga takuinnarialaqihimayut tunigami amihunik inungnut piinarialaqigiami. Maligarvikuanga quviahutting uumannga Aatuval Maligaliryuarvinga munarigiamikni makpiraaliurnniga tiiviitikkulu katimaninngit Aatuval Maligaliryuarvinga Katimayiingillu kihimi pihimayait. Tamaita maligatigut pilaarutingit makpiraaliuriami talvani pihimayaillu.

Piliuffaarninngat katimaninnganik uuminnga Aatuval Maligaliryuarvinga Katimayiingillu, tamaat ilanganikluuniit kituni, talva pipkaqtauyuq taimaa piliuffaarninngat ihuarumi tuniyaungitkumilu ilitariayumik. Una angirutinga pingittuq piliuffaarninnganut, tuniqhaininnganut atuqtakhanganiklu maniliurutikhamut unaluuniit manikhariamikni. Piliuffaarninngat aturiambiluuniit hilataanit uumannga angirutinganik angiqtauhimaittumikluuniit piyauniaqtuq maligatigut pilaarutingit makpiraaliuriami ahiuruqtaa malikhugu uumunnga *Maligatigut pilaarutingit Maliganga*. Angirutikhamik piinarialik titiraqhimayumit uuktuutimik Havakvinganut Uqaqtuyup uumanli Aatuval Maligaliryuarvinga.

Piliuffaarninngat malikhugu angirutinganik pipkaidjutingitaa makpiraaliurniq angirutingani uumannga Aatuval Maligaliryuarvinga. Tamaat quviagiyait piyut katimaninnganik uumanli Aatuval Maligaliryuarvinga hiamitingittuq hapkununngat pipkaidjutauyut piliuffaarninngit. Talvani piliuffaarninngat ilaliutiyuq pitquayayut Tikkuaqtauhimayut Katimayiinginnut uumanli Aatuval Maligaliryuarvinga, angiqtauniq piliuffaarninnganut ihariagiyaunaqtuq titiraqtiuyunit malikhugu uumunnga *Maligatigut pilaarutingit Maliganga*.

Hunavaluit uumanli angirutingani nutqaqtimalitaan unaluuniit piingitaalu pilaarutinginnit, piyunnautinit, hapummiutihimayunit pilaarutinginnillu uumannga Aatuval Maligaliryuarvinga Katimayiingillu. Amihumik ukpirigiami, una angirutinga ayurhaqtitaungitaa pittailininnganut uumannga ihuinaaqtumik apirhurumiluuniit katimaninngat uumannga Aatuval Maligaliryuarvinga apirhuivikmi taimalaaluuniit. Aatuval Maligaliryuarvinga pihimayait pilaarutingit unalu quviagiyangit paqigiami atuqtuyunik ihuigiyauunngat Maligaliurvikyuanganit taimaa piliuffaarninngat aturninngaluuniit malingitkumigut uumunnga angirutinganik.

Takuinnarialikli uumanli Aatuval Maligaliryuarvinga qaritauyakkut pulaarvingani  
uumanli: [www.noscommunes.ca](http://www.noscommunes.ca)

**NUNALIURNIQMIK IGLUMINI,  
MUNARITTIAQTUMIK AVATAANILU:  
UPALUNGAIYAQ TUQ ATUQTAUNAHUAT  
AMIHUT UKIUT UKIUQTAQTUMI**

**Taiguagakhaq Tikkuaqtauyut Katimayiininnut  
uumunnga Nunaryuaptikni Qanuriliurutingit  
Unalu Nunaryuami Pivallianiq**

**Michael Levitt  
Ikhivautalik**

**AVRIL 2019**

**42<sup>nguyuq</sup> MALIGALIURVIKYUANGA, HIVULLIQPAAQ KATIMANIQ**

## **NAUNAITKUTAQ TAIGUAQTUMUT**

### **Taiguagakhaq katimayiinit tuniyauyuq Aatuvap Katimaviryuanganit**

Tuniyuq taiguagakhamik Katimaviryuanganut taimaa katimayiit piliuqtait inungnut taiguqtakhaanik naunaiyainnginnik pitquyanginniklu kitunut uqaqtamiknik. Akhuurutauyumik taiguagakhaq kitumut piyuq naunaiyainiq piqaqtuugaluaq naittumik uqaqtamiknik tuhaayaa, pitquayayut piliuqtauyuq katimayiinginnit, unalu huuqlu piyut tahapkununngaa pitquayayunut.

# **TIKKUAQTAUHIMAYUT KATIMAYIINGIT UUMANI NUNARYUAPTIKNI QANURILIURUTINGIT UNALU NUNARYUAMI PIVALLIANIQ**

## **IKHIVAUTALIK**

Michael Levitt

## **TUGLIUYUT-IKHIVAUTALIK**

Nan'ngariyauyuq Erin O'Toole

Guy Caron

## **ILAUYUT**

Ziad Aboualtaif

Leona Alleslev

Frank Baylis

Pamela Goldsmith-Jones (Maligaliurvikyuami Titiraqtiiyuq — Nirualimaittuq Ilauyut)

Kamal Khera (Maligaliurvikyuami Titiraqtiiyuq — Nirualimaittuq Ilauyut)

Nan'ngariyauyuq Andrew Leslie (Maligaliurvikyuami Titiraqtiiyuq — Nirualimaittuq Ilauyut)

Raj Saini

Jati Sidhu

Anita Vandenbeld

Borys Wrzesnewskyj

## **AADLAT ILAUYUT MALIGALIURVIKYUAMI ILAUYUT**

Dean Allison

Vance Badawey

Daniel Blaikie

David de Burgh Graham

Peter Fonseca

Garnett Genuis

Angelo Iacono

Linda Lapointe

Hélène Laverdière  
Nan'ngariyauyuq Robert D. Nault  
Robert-Falcon Ouellette  
Blake Richards  
Adam Vaughan  
Salma Zahid

**TITIRAQTIUYUQ KATIMAYIINUT**

Erica Pereira

**MAKPIRAAQARVINGA MALIGALIURVIKYUAP**

**Maligaliurviyuami Naunaikutat Ihivriurviutingillu**

Allison Goody, Ihivriuqtiiyuq  
Brian Hermon, Ihivriuqtiiyuq  
Scott McTaggart, Ihivriuqtiiyuq

Tamaat titiraqninnga uuminnga taiguagakhaq taigunnarialik Qablunaatitut Uiviititullu Katimayiit  
[garitaluyakkut pulaarvingani](#), uqaqatigiluguluuniit titiraqtiiyuq Katimayiinut uumani  
[FAAE@parl.gc.ca](mailto:FAAE@parl.gc.ca) hivayarluguluuniit (613) 996-1540



# NAIT TUQ

---

Aatuwap Maligaliurvikyuanga Tikkuaqtauhimayut Katimayiit Nunaryuaptikni Qanuriliurutingit unalu Nunaryuami Pivallianiq naunaiyaqtait ilanganik Kaanatamit, avikhimayumiklu nunaryuaptikni, piliqtuq akhuraaluk aadlanguliqtuq. Tariup hikunga piqaqtuugaluaq nunaryuanga Ukiuqtaqtup tammaliqtuq ahiruqtiliqtuqlu. Akuniraalukmik pidjuttinga piyuq piinariaalaqihimayuq tariuqmit. Pipkaidjutiliqtuq takugiami pipkaidjutinganik Ukiuqtaqtup umikkurutinganik apqutinga, ilaliutiyuq ilanganik nunaryuaptikni akhuuqtumik China-mit.

Aadlangurninnga avikturhimayut tariunga piliqtuq haniani nunaryuaptikni munariniqmik avatinganik. Russia piliuffaaliqtait nutaanguqtihugillu anguyaktingit pittaarninnga naunaiqtullu akhuurninnga nunaryuaptikni maligangit ittut piyakhait. Arlingnatqiayayuq, nutaanik qaraqtautimut ilihimaniq, Russian tingmitingit imaup ataanillu umiangat hiquinnarialaqihimayut ungahiktumit, aulavinganillu hilataanit Amialikamit Kaanatamillu tingmivingit imangillu. Ihariagiyuq pittailininnganik ukunuuna atayumik piumaniq uumannga the Aatlantiup Tariungat Angirutingit Timiqutigiyangit. Utuqqanguliqtuq ilanga nunangit hapummiutingit nutaanguqtakhanguqtuqlu.

Taimaalu, naunaiqhimayuq ihuaqtumiklu kiudjuttinga ihumaliurhimayuq nutqaqtitingitaa ilaupkainiq hunavaluknut piyuq Ukiuqtaqtumut. Nunauyuq talvani naunaiqtaa uqariiyaqtamiknik anguyakhimaattumik ikayuqlunilu, Ukiuqtaqtut naunaiqtait hakugiktuq hiamitirninnganik ihumaalukniqmik piyuq aadlanu nunani. Pipkaidjutikmat hivumuuriami nalunaqtunik naunaiyainiq ihivriuqniq, ihuarhaiyuq tariuqmi qayagininnga, hapummiqtaalu avatinganik, taimaa ikayurhimmaaqtukhaq, pittaarumi. Akhuuqtumik havaaqaqtuq Kaanatamut pigiami nalunaqtunik naunaiyainiq naunaitkataliriniqmik.

Amihut pitquyauyakhat uUMANI taiguagakhaqmi ihumagilluaqtauyuq naunairiamti kavavmnga ikayuqtaaqtuq, tadja amihunik ukiunilu hivuniqmut, inmikkut nakuuyumiklu munarigiami Kaanataup Ukiuqtaqtumi imanganik nunanganiklu ukunuuna nunanganik ilihimaniq, maliganga, munariniq, pipkaidjutiyumiklu, tamaita hakugiktitayuq akhuuqtumik havaqatigiikkumik Kaanataup Ukiuqtaqtumi inungit.

Kaanataup akhuurninnga Ukiuqtaqtumi kikliqangittut munariniqmutter hapummiutininnnganullu. Piqaqtuqlu kaanatami akhuurutauyuq naunairiamti akhuuqtumik nunallaangit. Kihimi, Kaanataup Ukiuqtaqtunga naglikhaaqhimmaaqtuq aulapkaitjutikanik piqalluanginmat. Ihariagininnga hivituyut ilihimayaqpiaqtuqlu. Piqanginmat ihariagiayayuq aulapkaitjutikanik nutqaqtiliqtaa maniliurninnganik Ukiuqtaqtum, pihimmaaqtitiyuq mihiknarninnga nalunaqtunik ungahikniqmik,

pihimagiamilu akinga tamainnik akituvallaaqpiaqtumik. Ihuarhinahuarninnga ihumaaluutinik taiguagakhami Nunaryuaptikni Qanuriliurutingit Katimayiingit, talvunga piyuq ukunanit Ukiuqtaqtumi unalu Nunaqaqqhaarhimayut piyunnautinganik unalu naunaiyainiq Ukiuqtaqtumi atanniqtuitjutiqarniq. Atinga uuma taiguagakhaq naunaiqtaa, qayagittiaqtumik unghiktumit hapummiutimullu maligangit, inmikkuungittut, amihumik. Tamna qanurittaakhaanik ilauyukhaq nunanganik piliurniq iglumini, talvannga tunngavinganit akhuurutauyumik havaqatigiikniqmik.

# **TITIRAQHIMAYUT PITQUYAUYUT**

---

*Taimaa uqaqtamiknik katimayiingit piliunginnarialik pitquyauyunik ilaliutiyyait taiguagakhangani ihumagiayayukhaq Aatuwap Katimaviryuanganani Kavamatkunnalluuniit. Pitquyauyut piyut uumunnga naunaiyaininnganik titiraqhimagut hamna ataani.*

## **Akhuurutauyut Havaqatigiingit Nunaqaqqaarhimayunut Inungit unalu Ukiuqtaqtumi Nunallaangit**

### **Pitquyauningna 10**

Kaanataup Kavamanga piliuqtukhaugaluq atayumik munariniqmik na4unaitkutamik Kaanataup Ukiuqtaqtumi imanga takuniaqtuq Inuit hivuliqtuyumik havaaqaqtut haniani kaanataup kavamanganit, atauttimuuqtauniaqtuq tamaita havakviuyut timiqutigiyayullu kaanatamit nunavunmit kavamanganit munariqaqtut uumani Kaanataup Ukiuqtaqtumi imanga, unalu akhuurutauyut nunataarutit timiqutigiyayut unal Nunavunmi Tariuqmut Katimayiingit.

### **Pitquyauningna 9**

Ilaukmat iniqtirutinganik uumannga Munaqtuyuq Tariunganik nutaaq aulapkaininnga nunanganit Ukiuqtaqtumi, Kaanataup Kavamanga talvannga piyakhaugaluat, qanittumik havaqatigiiklutik Inuit timiqutigiyanginnut nunallaanginullu, havagiami angitqiayayumik Inuit havaktukhat uumani Kaanatami Munaqtuyuq Tariunganik angitqiayayumiklu Munaqtuyuq Tariunganik ittut tamainni Kaanatap Ukiuqtaqtungani.

### **Pitquyauningna 19**

Kaanataup Kavamanga havaktukhaugaluat nunavunmi, Nunaqaqqaarhimayut unalu nunamikni kavamanganit ikayuriami hapummiutihimayumik nunamiknit piyut ihuarhidjutikhaniq akhuurninnganut halumayumik, pittaaqtumik akituvallaangittumiklu aulayunnautinik Kaanatap Ukiuqtaqtungani.

### **Pitquyauninnga 20**

Kaanataup Kavamanga naunaiqtakharaluangit kaanatap ihumaliurutingit ayurhaqtitayuq maniliurninnganut Kaanatami Ukiuqtaqtunga naunaiqtaa akhururtauyumik uqaqatigiikniq nunavut kavamanganut unalu Nunaqaqqaarhimayut timiqutigiyangit, unalu pimmariktumik piplugu hivuniqmi pivallianiq tariuqmi urhuqyuangit kaasiliingillu.

### **Pitquyauninnga 23**

Havaqatigiittiaqhutik unalu Nunaqaqqaarhimayut pivallianiq kuapuriisingit, Kaanataup Kavamanga havaktukhaugaluat umigiami aulapkaitjutikhanik inikharvikhang Kaanataup ukiuqtaqtumi qablunaat nunagiyangani nunallaangit, ihumagilluaqtanginnik ingilrarvikhanganik atayumiklu. Maniliqinirmut hunavalungit ihuaqtukhaugaluaq angiyumik ilagiyanganut pipkaidjutigiami ikayuqtiuyuq uukturiami uukturiami kaanatap ikayurninnga kangirhininnganik nunaluriami havauhikhat.

### **Pitquyauninnga 24**

Piqaqtumi piqtingit hapummiutiniqmut-piyut aulapkaitjutikhanik Kaanatap Ukiuqtaqtungani , Kaanataup Kavamanga piliuqtukhaugaluaq ihivriuqniq inungnik ihariaginiq talvani takutaaqtumik naunairiam angitqiamik ikayuutauyuq Ukiuqtaqtumut nunallaanginnik hapummiutiniqmut maniit atuqtauniq.

### **Pitquyauninnga 28**

Kaanataup Kavamanga piliuqtukhaugaluaq Ukiuq Tamaat Unniutjutinik Aatuwap maligaliurvikyuanganut kaanatap havaanganut munariyakhanginniklu uumani Kaanatap Ukiuqtaqtungani, maniliqinirmut ikayuutingit tuniyauyut akhururtauyumut maligamut pilluaqtauyut, qanurittaakaaniklu piyait maniit atuqtangit havaqatigiikhutik nunavut kavamanganut unalu Nunaqaqqaarhimayut timiqutigiyangit.

## Hapummiutiniq, Aaniqtailiniq Munariniqlu

### Pitquyauninnga 11

Kaanataup Kavamanga ihuarhiyakharaluanga Kaanatami Munaqtiuyuq Tariunganik hikuirutingit umiangit taimaa tunihimmaariamikni hivituyunik pinahuarutinik ikayuutikhaniiklu Kaanatamiutanut, havaakkhamut naunairiam ayurhautiqangittut qailiqtunut ukiut Kaanataup tariuqmi aaniqtailiniq unalu nunanganik ilihimaniq, nalunaqtunik naunaiyainiq, qinirhiayulluuniit annautjiuyut ilihimayanganik.

### Pitquyauninnga 12

Kaanataup Kavamanga piliuqtukhaugaluaq tikinnahuarutingit iniqtiriami nunauyaliuqtanganik, piyuq nutaamut pipkaiplutik, atuqtaunginnaqtunit tariuqmi ikaarninngit uumani Kaanatap Ukiuqtaqtungani .

### Pitquyauninnga 13

Kaanataup Kavamanga angikliyuumiqtakharaluangit manikhaq Nunavunmut Tingmitinik Qun'ngiarutimut Pinahuarutimik taimaa pigiami amihunik nunanut piinaaqtumiklu uumani pinahuarutinga pigiami nutaamik qun'ngiarutikhaniq himmautikhanganiklu tingmitinik ihariagiyauliqqata.

### Pitquyauninnga 14

Kaanataup Kavamanga pihimmaaqtukhaugaluat nutaanik atuqtakhanganik taimaa ihuarhigami ilihimaninnga qaanganit hulilukaqtut Ukiuqtaqtumiluuniit, unalu havaqatigiiklutik Amialikamut uumuuna NORAD.

### Pitquyauninnga 15

Kaanataup Kavamanga ihivriuqtakharaluangit qinirhiayulluuniit annautjiuyut ihariagiyagit pihimmaaqtumik pilutik angiqatigiiktumik nunavutim havaktinginnut naunaiyariami qilakmi piquttingit atuqtauyukhaugaluat Ukiuqtaqtumi auyanguraikpat ukiumiluuniit tamaat pipkaqtiglugin. Taimaa ihariagininnga naunaiyainiq pigumi, qakugu, hivumut -atuqtauyuq ihariagiyauyuq Ukiuqtaqtumi, kavamatkut tuniyukhaugaluat aadlamik manikhamik Kaanatami Anguyaktiuyumnut taimaa qinirhiayulluuniit annautjiuyut havangit nungulimaittut hivuraani Kaanatap.

## Pitquyauninnga 16

Kaanataup Kavamanga qiniqtakharaluangit ayuirhariamikni Kaanatami Riinjunguyut unalu Nukharhiuyut Riingunguyut aturninnganik piksaliurutilik ingilrayuq tingmitinnuatut ihuarhigiami Kaanataup nunanga ilihimaniq Ukiuqtaqtumi. Taimaa pinahuarutinga naunairumi nakuuyuq, kavamatkut tuniyukhaugaluat nutaamik manikmik tuniqhaininnganut, ikayurninnga ihuarhaininngalu ihariagiayuyut hanalrutingit, unalu ihuarhaininnga Kaanataup Anguyaktinginnut uqaqatigiikniqmut aulapkaitjutikhanik Ukiuqtaqtumi.

## Pitquyauninnga 17

Kaanataup Kavamanga tuniyukhaugaluat akuniraalukmik manikhaq himmautikhanganut Tuulaingugaluat, ilagiyanga uqaqhimmaarninnga Amialikamut piyut nutaanguqtirutinganik NORAD pittaarninnga Ukiuqtaqtumi.

## Pitquyauninnga 18

Kaanataup Kavamanga ihivriuqtakharaluangit hivumut aulapkainiqmut atuqtauyut Kaanatap anguyaktiutigiyangit tingmitit naunairiami kitut aulapkaitjutikhanik ihuarhaininngit ihariagiayuyut ittuni taimaa pipkaidjutigiami nakuuyumik pihimmaaqtullu atuqtauyut, taimaalu piqaqtukhaugaluq nutaanik nayugakhanganik uuman Kaanatap Ukiuqtaqtungani , nakuuyumik hivumuqtittiyuq nalruninnga Kaanatami Amialikamilu hapummiutiniq ungahiktumut pittaarumi.

## Pitquyauninnga 21

Kaanataup Kavamanga ihivriuqtakharaluangit tamna *Naunaiyaininnga Nunaptiknit Qilakmit Piqutingit Maligaq* naunairiami nakuuyumik piyuq nutaanut pivallianiq naunaiyaininnga nunaptiknit, taimaaluuuniit Nunaryuapta ihumaaluutingit ihuarhaidjutingillu Kaanatami ihuarhihimmaaqtauyuq havakvinga pigiami laisinik uuktuutinik piliuqtauyut Maligangamut. Ilaukmat taafumunnga, kaanatap kavamanga piyakharaluangit Pitquyauninngit hivumuqtitauyuq uuman 2012 uumanilu 2017 inmikkut ihivriuqniiit Maliganganut.

## Kavamaliqininngit

### Pitquyauninnga 1

Ilaukmat pittailigiami hapummiutigiami qayangnautit ilauyunut Aatlantiup Tariunganut Angirutinganut Timiqutigiyait, Kaanataup Kavamanga havaktukhaugaluat havaqatigiinginnut Aatlantiup Tariunganut Katimayiingit akhurutigiami Katimayiup kangirhidjuttinga Russaup anguyaktinganik qanuriliurutingit Ukiuqtaqtumi ihumagiamilu ihuatqiyauninnga naunaiqhimayumiklu kiudjutingit.

### Pitquyauninnga 3

Kaanataup Kavamanga ilaupkaqtakharaluangit Chinap Kavamanga kangirhigiamikni akhuraaluk piumayanganik Ukiuqtaqtumi.

## Nunaryuaptikni Naunaitkutaliriniq unalu Nunaqaqqaarhimayut Pilaarutingit

### Pitquyauninnga 2

Kaanataup Kavamanga havakhimmaaqtukhaugaluq Russia-mut, pittaarumi, ukunuuna Ukiuqtaqtumi Katimayiingit, angiqatigiiklutik aadlanut ilauyunut, taimaa havagiami nalunaqtunik naunaiyainiq maligamullu ihivriuqlutik ihuarhigiami aadlanut atuqtauyut avatilirininnga, aaniqtailiningga, ingilrarutingit, unalu inungnut pivallianiq akhuurninngit.

### Pitquyauninnga 4

Kaanataup Kavamanga ilauyukhaugaluq Ukiuqtaqtungittunut nunat naunaiqtait piumayangit Ukiuqtaqtumi naunairiami hivuniqmi umiakkuurniq hulilukaarniq qayangnaittuq piqangittuqlu nakuungittumik ayurhautipkaiyuq Ukiuqtaqtumi nunallaanginnut unaluuniit avatinganut, hunavaluillu piyut malikhugit Kaanatap maliganganut, maliganga maliktakhangillu piyut Ukiuqtaqtumut, unalu munariningga Kaanataup Ukiuqtaqtumi.

### **Pitquyauninnga 5**

Kaanataup Kavamanga ilauhimmaaqtukhaugaluat qanittiaqtumik Aadlanut Ukiuqtaqtumi hinaani nunangannut, unalluaq Denmark, Norway, Russia Amialikamullu, pigiami Hilaryuarmiunmi Katimaniq Maliganganut Tariuqmut unalu 2008 Ilulissat Naunaipkaininnga, uumunngalu Pitquyauninngit pipkaidjutiyuq Pitquyautinganit Kikliqaqtunik Tariup Ataani, anguyangittumik, ihuaqtumik tamarmik angiqtunik uqariiktamiknik qaliriiktunik piyuq Kaanatap kikliqangittuq tariup ataani Ukiuqtaqtumi.

### **Pitquyauninnga 6**

Kaanataup Kavamanga pimmariktumik piyakharaluangit pilaarutingit ukunanik Nunaqaqqaarhimayut inungit, tahapkallu uqaqtauyuq uumani Hilaryuarmiunmi Uqaqtamiknik Pilaarutinganut Nunaqaqqaarhimayut Inungit, ihuarhiliraigumi maliganganik ihuarigingitainnik iliuraqlugulu Hilaryuarmiunmi Katimaniq Maliganganut Tariup.

### **Pitquyauninnga 7**

Kaanataup Kavamanga tuniyukhaugaluaq naunaittumik akuniraalukmiklu manikhaq Kaanatap Inunginnut Ukiuqtaqtumut Katimayiinginnut.

### **Pitquyauninnga 8**

Aippaagumi Kaanataup Kavamanga ikhivautalik Ukiuqtaqtuq Katimayiinginnik, piyakhaugaluaq katimadjuttinga hivulliutiyyakhallu taimaa malruuknik ukiunik Kaanatami Inunginnut llauyunut.

## **Hila Aadlangurninnga, Nalunaqtunik Naunaiyainiq Ilihimaniqlu**

### **Pitquyauninnga 22**

Kaanataup Kavamanga naunaiqtakharaluangit hila Aadlangurninnga qayangnarutingit piyait ihumagiyakhangit ilanganik kaanatamit tamainnit ikayuqtauyut aulapkaitjutikhnik pinahuarutingas Ukiuqtaqtumi.

### **Pitquyauninnga 25**

Kaanataup Kavamanga naunaiqtakharaluangit ihivriurutingit timingit titiraqhimayumi nunanganit ilauyat akhuerutauyumik uqaqatigiikniq ukununnga Nunaqaqqaarhimayut nunallaangit aadlallu inuit nunalgit havaktullu Ukiuqtaqtumi naunairiami Kaanataup Ukiuqtaqtumi ihivriuqninnga aadjikutariyait hivulliutinganit ihmagiyanginniklu.

### **Pitquyauninnga 26**

Kaanataup Kavamanga ikayuqtukhaugaluat Nunaqaqqaarhimayut-piyut ihmaliurutingit katitiqtut, naunaiyaqtait ihivriuqlugillu Nunaqaqqaarhimayut qangaraaluknitat ilihimaniq Ukiuqtaqtumik ilagiyanganik piliurninnga, ihmaliurninnga iniqtirninngalu Ukiuqtaqtumik ihivriuqninnganik.

### **Pitquyauninnga 27**

Kaanataup Kavamanga havaktukhaugaluat piliurninnganut Kaanatami Ukiuqtaqtumi ihivriuqniq pinahuarutinga uumanit Ukiutaqtumi Qauyihimanuaqvia Kaanatami tautukninnganik pipkaidjutiyuq angiyumik naunaiyainiqmut ihivriuqniq piyakhaq talvani.



# **APIRHUQTUQ KAVAMATKUT KIUDJUTINGANUT**

Malikhugu Pitquayayumut 109, Katimayiingit apiriyut kavamatkut iliuraqtukhaq katimadjutikhamut hivituyumik kiudjutauyuq uumunnga Taiguagakhamut.

Aadjikutaliurhimayuq akhuurutauyumik *Titiraqhimaayut Katimadjutinganit* ([Katimanigmut Nampangit 103, 105, 107, 109, 111, 116, 123, 124, 128, 132](#)) iliuraqtauyuq katimadjutikhamik.

Pittiarnikkut tuniyauyuq,

Michael Levitt  
Ikhivautalik

